



UNIVERZITET U ZENICI
- R E K T O R A T -
Kancelarija menadžera za kvalitet
01-105-005-1698/14
Zenica, 29. 05. 2014. godine

Z A P I S N I K

**sa 06/2014. sastanka Odbora za kvalitet Univerziteta u Zenici
održanog u ponedjeljak, 26. 05. 2014. godine, u 13,00 sati
u Rektoratu Univerziteta u Zenici**

Prisutni: v. asist. mr. sc. Ibrahim Plančić, QA menadžer UNZE-a; Mediha Arnaut, dipl. pravnik, generalni sekretar; Maid Pračić, sekretar Ministarstva za obrazovanje, nauku, kulturu i sport ZDK; v. prof. dr. Malik Čabaravdić, prodekan Politehničkog fakulteta; doc. dr. Adnan Mujkanović, QA menadžer Fakulteta za metalurgiju i materijale; mr. sc. Belma Fakić, QA menadžerica Metalurškog instituta; doc. dr. Esmir Halilović, QA menadžer Islamskog pedagoškog fakulteta; doc. dr. Nebojša Vasić, QA menadžer Filozofskog fakulteta; doc. dr. Spahija Kozlić, QA menadžer Pravnog fakulteta; v. asist. mr. sc. Denis Spahić, QA menadžer Mašinskog fakulteta; doc. dr. Bernard Harbaš, QA menadžer Ekonomskog fakulteta; Miralema Bašić-Buzaljković, dipl. inž., direktorica Studentskog centra; mr. sc. Azemina Durmić, menadžerica Kancelarije za osobe s posebnim potrebama; v. asist. Mirza Oruč, MA, QA menadžer Zdravstvenog fakulteta i ECTAS koordinator UNZE-a; Vedran Kaser, dipl. inž., web-administrator UNZE-a i Lamija Subašić, prof., sekretar Radnog tima za izvođenje pripremnih aktivnosti za proces interne i eksterne evaluacije UNZE-a.

Za sastanak je usvojen sljedeći:

DNEVNI RED

1. Pripreme za eksternu evaluaciju UNZE-a - analiza protokola posjete, definisanje timova i načina pripreme prema dostavljenom protokolu posjete

- Protokol posjete - Plan i program posjete s pripremom timova za razgovore (sastav, obavještenja, priprema, identifikacijske liste i sl.)*
- Priprema dokumentacije (interne evaluacije, Informacijski paket, normativna dokumentacija, dokumentacija sistema kvaliteta, ostala dokumentacija)*
- Drugi tehnički detalji eksterne evaluacije*

2. Razno

Ad. 1.

- Konačne prijedloge timova za sastanke s Komisijom domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji visokoškolske ustanove "Univerzitet u Zenici", imenovane od Agencije za razvoj visokog obrazovanja i osiguranje kvaliteta (u daljem tekstu Komisija stručnjaka), treba završiti do ponedjeljka, 2. juna 2014. U tom smislu, zadaci se odnose na sljedeće:
 - Treba ustanoviti tačno mjesto sastanka predstavnika Komisije stručnjaka i g. Mirka Trifunovića, ministra Ministarstva za obrazovanje, nauku, kulturu i sport ZDK, i g. Muniba Husejnagića, premijera Vlade ZDK.
 - Danas, 26. 05. 2014., v. asist. mr. sc. Ibrahim Plančić, QA menadžer UNZE-a, dostavit će Ministarstvu za obrazovanje, nauku, kulturu i sport ZDK zvaničan dopis o potrebi imenovanja predstavnika navedenog Ministarstva za sastanke s članovima Komisije stručnjaka.
 - Na spisak osoba planiranih za sastanak u četvrtak, 5. juna 2014., u periodu od 10.00 do 10.45 sati, treba dodati predstavnike studenata i predstavnika Ministarstva.
 - Prema riječima Generalnog sekretara UNZE-a, spisak osoba za sastanak s Komisijom stručnjaka u periodu od 11.15 do 12.00 sati i od 12.00 do 12.30 sati sačinjen je u skladu s Odlukom o članovima tima za susret s Komisijom stručnjaka, koju je Rektor UNZE-a potpisao.
 - Prema uputama fakultetskih QA menadžera, na spisak članova tima za sastanak od 14.00 do 15.00 sati treba dodati: doc. dr. Nezira Pivića, šefa Studijskog programa Pravnog fakulteta; šefove odgovarajućih katedri s Ekonomskog i Fakulteta za metalurgiju i materijale; i prodekane za studijske programe, koji će biti evaluirani.
 - Za ovaj sastanak treba dopisati u „Planu posjete“ da će se održati u sali Senata.
 - Svi fakulteti treba da u naredna dva dana dostave imena završenika I i II ciklusa, koji će učestvovati na sastanku od 15.00 do 15.45 sati.

- Nakon konsultacija s g. Orlandićem, direktorom Službe za zapošljavanje ZDK, treba uvrstiti i predstavnika ove Službe na spisak članova tima za sastanak od 16.00 do 16.45 sati.
- QA menadžeri treba da potaknu jednu-dvije osobe da kao predstavnici/e zainteresovanih strana („stakeholders“) njihovih fakulteta učestvuju u procesu eksterne evaluacije UNZE-a.
- Fakultet za metalurgiju i materijale nominovat će dr. Nedžada Haračića (Cementara Kakanj) i dr. Šefkiju Botonjića (PK ZDK) kao svoje predstavnike zainteresovanih strana.
- Na sastanku će umjesto studentice Larise Jarić učestvovati studentica Edvina Šarić, stoga treba zamijeniti ova imena u „Planu posjete“.
- Pored imena v. asist. Mirza Oruč, MA, QA menadžer Zdravstvenog fakulteta treba dodati: ECTAS koordinator UNZE-a.
- Sekretar Ministarstva za obrazovanje, nauku, kulturu i sport ZDK istaknuo je da je moguće da članovi Komisije stručnjaka pitaju sekretare fakulteta o kancelarijskom poslovanju a knjižničare o arhivi.
- Protokolom nije predviđeno da Komisija stručnjaka posjeti Uniju studenata UNZE-a, ipak je, prema informaciji g. Dine Tihića, predsjednika navedene Unije, dokumentacija pripremljena za moguću posjetu.
- U hotelu „Dubrovnik“ izvršena je rezervacija smještaja za članove Komisije.
- S obzirom da je za predstojeće sastanke potreban prevodilac za engleski jezik, konsultacije su u toku i u narednim danima bit će određena osoba za ovaj posao.
- Potrebno je održati dodatne sastanke s osobama, koje su imenovane u timove za susret s Komisijom stručnjaka, i upoznati ih sa sadržajem relevantne dokumentacije.
- Prema informaciji v. asist. Mirze Oruča, zakazan je sastanak sa svim studentima koji će učestvovati u procesu eksterne evaluacije, a potrebne materijale pripremit će v. asist. mr. sc. Ibrahim Plančić i v. asist. Mirza Oruč, MA. U vezi s navednim donesen je

ZAKLJUČAK

U petak, 30. maja 2014., u Multimedijalnom centru održat će se sastanak sa studentima UNZE-a, koji su imenovani kao članovi timova za sastanke s Komisijom stručnjaka, a svi QA menadžeri, kao i svi drugi zainteresovani, mogu doći.

- Imena i e-mail adrese studenata treba dostaviti QA menadžeru UNZE-a, a fakultetski QA menadžeri zadužuju se da, po potrebi, dodatno informišu studente.


Ad. 2.

Mr. Azemina Durmić, menadžerica Kancelarije za osobe s posebnim potrebama, pozvala je na Dan otvorenih vrata ove Kancelarije UNZE-a, koji će se održati u srijedu, 4. juna 2014., na Fakultetu za metalurgiju i materijale (sala 10) od 10 do 12.30 sati. Bit će to prilika za predstavljanje urađenih i nekih budućih aktivnosti trogodišnjeg projekta, iz kojeg je nastala i spomenuta Kancelarija. Mr. Durmić zamolila je prisutne da poziv na Dan otvorenih vrata diseminiraju na svojim fakultetima.


Naredni sastanak Odbora za kvalitet UNZE-a održat će se u ponedjeljak, 2. juna 2014., u 13 sati.

Zapisnik vodila: Lamija Subašić, prof.

Menadžer za kvalitet
Univerziteta u Zenici:


/mr. Ibrahim Plančić/

Prorektor za međunarodnu saradnju i
osiguranje kvaliteta Univerziteta u Zenici


/Prof. dr. sc. Darko Petković/

Dostavljeno:

- Menadžeri za kvalitet OJ UNZE-a (9x)
- Prorektori UNZE-a (4x)
- Generalni sekretar UNZE-a
- Maid Pračić, sekretar Ministarstva za obrazovanje, nauku, kulturu i sport ZDK
- Predstavnici studenata (3x)
- Bibliotekar Univerzitetske biblioteke
- ECTS koordinator UNZE-a
- Amra Muslić, Ured za međunarodnu saradnju
- mr. Dženan Kulović, menadžer Kancelarije za kompetencije i razvoj karijera
- mr. Azemina Durmić, menadžerica Kancelarije za osobe s posebnim potrebama
- Vedran Kaser, dipl. inž., web-administrator UNZE-a
- Dino Tihić, predsjednik Unije studenata UNZE-a